

Twee sukses stories van volharding en geduld



BAMBISANE Boerdery - VLNR: Anton Reinecke (CFP), Asanda Mona, ML Geldenhuys, Tommy Mona, Charlie Bretzke (FNB) en Gielle Geldenhuys.

GRONDHERVORMING - twee sukses stories van volharding en geduld.

Tommy Mona en Gielle Geldenhuys het vir meer as vier jaar uitgesien na die dag waarop Bambisane 'n elenaar kan word van die plaas Slangfontein.

Tommy Mona is 'n bekende Ceres gemeenskapsleier met 'n passie vir boerdery en Gielle Geldenhuys - 'n ervare suksesvolle vrugte- en veeboer in die Theronberg-area.

Beide het by PALS aangesluit en die wens uitgespreek dat hulle gehelp moes word om 'n vennoot te vind met besondere leier-eienskappe en integriteit.

Hulle is aan mekaar voorgestel en het kort daarna besluit om in vertroue saam 'n nuwe PAL Standboubesigheid, naamlik **Bambisane Boerdery** te stig en aansoek te doen vir die onderverdeling van Slangfontein.

Nie-nagekome beloftes deur regerings-ampnare het die implementering van Bam-bisane se nuwe boerderybesigheid einde-loos vertraag. Sedert 2015 is talle beloftes eenvoudig verbreek.

Ondanks die frustrasie en vertragings het Tommy en Gielle bymekaar gestaan, moed gehou en uiteindelik op Mandeladag 18 Julie mede-elenaars geraak van hul nuwe 1009 hektaar plaas.

Bambisane met 51% swart aandeelhouding, gaan nou voluit met vrugte en vee boer en het reeds voorbereidings getref vir verdere aanplantings.


Die volgende geslag Asanda Mona en ML Geldenhuys, het ook deelgeneem aan die oorhandigingsseremonie op 18 Julie. Bam-bisane se aandeelhouders het hul dank aan FNB, CFP en Cassidra vir finansiële ondersteuning om hierdie boerderybesigheid te implementeer.

Dwarsberg Farming

Dwarsberg Farming se aandeelhouders het op 18 Julie tydens die PALS jaarvergadering hulle aandeelsertifikate en titelakte van die plaas ontvang.

Die tien aandeelhouders het met die hulp van Larry Whitfield van Oast Farm, die buurplaas Dwarsberg, gekoop. Saam word daar hard gewerk om die 77 hektaar plaas te ontwikkel in 'n volhoubare vrugteplaas.

Een van die groot uitdagings is nou om voldoende finansiering te bekom vir die vestiging van nuwe boorde.



DWARSBERG Farming. Die aandeelhouders saam met Larry Whitfield en Kobus Koegelenberg van Oast Farm. VLNR: Larry Whitfield, Jan Muller, Andries Smit, Cyril Appollis, Mojafifa Benjamin Malangabi, Koos Willidskut, Hennie Smit (Standard Bank), Ashwin Boesak, Liza Ambraal (voorsitter), Koos Koopman, Barend Mentoor, Fumanekile Ngqaza en Kobus Koegelenberg.